

*Marc. 15. 42. Luc. 23. 50. Ioann. 19. 38.

57. * Cum autem sero factum esset, venit quidam dives ab Arimathæa, nomine Ioseph, qui & ipse discipulus erat Iesu.

58. hic accessit ad Pilatum, & petiit corpus Iesu. Tunc Pilatus iussit reddi corpus.

59. Et accepto corpore, Ioseph involvit illud in sindone munda.

60. & posuit illud in monumento suo novo, quod exciderat in petra. Et advolvit saxum magnum ad ostium monumenti, & abiit.

61. Erat autem ibi Maria Magdalene, & altera Maria, sedentes contra sepulchrum.

62. Altera autem die, qua est post Parasceven, convenerunt principes sacerdotum, & Pharisei ad Pilatum,

63. dicentes: Domine, recordati sumus, quia seductor ille dixit adhuc vivens: Post tres dies resurgam.

64. Iube ergo custodiri sepulchrum usque in diem tertium: ne forte veniant discipuli eius, & furentur eum, & dicant plebi: Surrexit a mortuis: & erit novissimus error peior priore.

65. Ait illis Pilatus: Habetis custodiam, ite, custodite sicut scitis.

66. Illi autem abeuntes, muniérunt sepulchrum, signantes lapidem, cum custodibus.

CAPUT XXVIII.

Christi resurrectio custodibus perturbatis, & revolutio lapide ab Angelo. Apparitio Angelorum sanctis mulieribus. Iesus undecim Apostolis se videndum preber. Baptizare precipit, ac pollicetur se Ecclesia semper assuturum.

* SABB. SANCTO. Marc. 16. 1. Ioann. 20. 1.

1. **V**espere autem sabbati, qua luce scit in prima sabbati, venit Maria Magdalene, & altera Maria videre sepulchrum.

2. Et ecce terramotus factus est magnus. Angelus enim Domini descendit de celo: & accedens revolvit lapidem, & sedebat super eum:

3. erat autem aspectus eius sicut fulgur: & vestimentum eius sicut nix.

4. Præ timore autem eius exterriti sunt custodes, & facti sunt velut mortui.

5. Respondens autem angelus dixit mulieribus: Nolite timere vos: scio enim, quod Iesum, qui crucifixus est, quaeritis:

6. non est hic: furrexit enim, sicut dixit. venite, & videte locum, ubi positus erat Dominus.

7. Et citò euntes, dicite discipulis eius quia furrexit: & ecce præcedit vos in Galilæam: ibi eum videbitis. ecce prædixi vobis.

8. Et exierunt citò de monumento cum timore, & gaudio magno, currentes nunciare discipulis eius.

9. Et ecce Iesus occurrat illis, dicens: Avete. Illæ autem accesserunt, & tenuerunt pedes eius, & adoraverunt eum.

10. Tunc ait illis Iesus: Nolite timere. ite, nunciare fratribus meis ut eant in Galilæam, ibi me videbunt.

11. Quæ cum abiissent, ecce quidam de custodibus venerunt in civitatem, & nunciaverunt principibus sacerdotum omnia, quæ facta fuerant.

12. Et congregati cum senioribus consilio accepto, pecuniam copiosam dederunt militibus,

13. dicentes: Dicite quia discipuli eius nocte venerunt, & furati sunt eum, & nobis dormientibus.

14. Et si hoc auditum fuerit à præside, nos suadebimus ei, & securos vos faciemus.

15. At illi accepta pecuniâ, fecerunt sicut erant edocti. Et divulgatum est verbum istud apud Iudæos, usque in hodiernum diem.

16. Undecim autem discipuli abiierunt in Galilæam in montem, ubi constituerat illis Iesus.

17. Et videntes eum adoraverunt: quidam autem dubitaverunt.

18. Et accedens Iesus locutus est eis, dicens: Data est mihi omnis potestas in celo, & in terra.

19. euntes ergo docete omnes gentes: baptizantes eos in nomine Patris, & Filij, & Spiritus sancti:

20. docentes eos servare omnia quæcûmque mandavi vobis: & ecce ego vobiscum sum omnibus diebus, usque ad consummationem sæculi.

* FER. 6. POST PASCHA.

* IN FESTO SS. TRINIT.

* Marc. 16. 15.

SANCTUM JESU CHRISTI EVANGELIUM SECUNDUM MARCUM.

MARCUS Discipulus & interpres Petri, inquit Hieronymus, iuxta quod Petrum referentem audierat, rogatus Romæ à fratribus, breve scripsit Evangelium; quod cum Petrus audisset, & probavit, & Ecclesiæ legendum suâ auctoritate dedit. Attamen Matthei Hebræo adiutus fuisse videtur: sicut Marci Græco, qui postea Matthei Græcus interpres fuit. Nam quamvis Syriaca translationis auctor affirmet, Marcum Latinè scripsisse, eum tamen Græco usum eloquio, docent nos Hieronymus Epist. ad Damas. & Augustinus lib. 1. de consensu, cap. 2. quamquam in gratiam præcipue Romanorum, sicut & Paulus ad Romanos Epistolam scripsit linguâ Græcâ. Nempè Iudæi qui Romæ erant, plerique Latini sermonis ignari, & Romanorum vix quisquam non Græcè intelligens etiam inter ipsas feminas, ut ex Iuvenali discimus. Constat certe nostram vulgatam Latinam versionem tam Matthei quam Marci ex Græca editione translata. Narrat autem ipse serè eadem qua Mattheus, sed brevius & contractius; unde Matthei brevior ab Augustino dicitur. Post annum decimum à Passione & paulò antequàm Alexandriam proficisceretur, eum scripsisse docent Eusebius, Euthymius, & Baronius. Ad quam à S. Petro missus Olympiadis 205. anno tertio, Claudij Imper. item 3. ut vult Euseb. in Chronico Græco; hoc est Æra nostra anno 43. post Passionem 10. tam florentem ibi doctrinâ & vitæ continentia constituit Ecclesiam, ut omnes sectatores Christi ad exemplum sui cogeret, inquit Hieronymus: unde Cœnobarum princeps & institutor est appellatus. Alexandria in octava Pascha 25. Aprilis, cum pridie ad altare sacris dans operam, esset comprehensus, martyrio affectus est, ut habent Græca Menologia & Latina Martyrologia, atque Eusebius, Hieronymus & alii scriptores.

CAPUT PRIMUM.

Marcus à predicatone Ioannis suum orditur Evangelium. Iesus ab eo baptizatus in deserto se recipit; ubi post 40. dierum ieiunium tentatur à diabolo. Tum Ioanne in carcerem coniecto, predicat regnum Dei in Galilæa. Petrum & Andream, Iacobum & Ioannem vocat ad Apostolatam; eicit demones, & varios sanat languores.

1. **N**itium Evangelij Iesu Christi, Filij Dei.

2. Sicut scriptum est in Isaia propheta:

* Mal. 3. 1.

* Ecce ego mitto angelum meum ante faciem tuam, qui præparabit viam tuam ante te.

* Ijai. 40. 3. Matth. 3. 3. Luc. 3. 4. Ioan. 1. 23. Anno M. 4032. xix vulg. 28.

3. * Vox clamantis in deserto: Parate viam Domini, rectas facite semitas eius.

4. Fuit Ioannes in deserto baptizans, &

predicans baptismum poenitentiae in remissionem peccatorum.

5. * Et egrediebatur ad eum omnis Iudæa regio, & Ierosolymita universi, & baptizabantur ab illo in Iordanis flumine, confitentes peccata sua.

6. * Et erat Ioannes vestitus pilis cameli, & zonâ pelliceâ circa lumbos eius, & locustas, & mel silvestre edebat. Et prædicabat dicens:

7. * Venit fortior me post me: cuius non sum dignus procumbens solvere corrigiam calceamentorum eius.

8. * Ego baptizavi vos aquâ, ille vero baptizabit vos Spiritu sancto.

9. Et factum est: in diebus illis venit Iesus à Nazareth Galilææ: & baptizatus est à Ioanne in Iordane.

10. Et statim ascendens de aqua, vidit celos apertos, & Spiritum tamquam columbam descendentem, & manentem in ipso.

11. Et vox facta est de celis: Tu

es filius meus dilectus, in te complacui.
 * *Matth. 4.* 12. * Et statim Spiritus expulit eum in
 1. desertum.
Luc. 4. 1. 13. Et erat in deserto quadraginta die-
 bus, & quadraginta noctibus: & tenta-
 batur a satana: eratque cum bestiis, &
 angeli ministrabant illi.
 * *Matth. 4.* 14. * Postquam autem traditus est Ioan-
 12. nes, venit Iesus in Galilæam, prædicans
Luc. 4. 14. Evangelium regni Dei,
Ioann. 4. 15. & dicens: Quoniam impletum est
 43. tempus, & appropinquavit regnum Dei:
 penitèmini, & credite Evangelio.
 * *Matth. 4.* 16. * Et præteriens secus Mare Galilææ,
 18. vidit Simõnem, & Andream fratrem eius,
Luc. 5. 2. mittentes retia in mare, (erant enim pis-
 catõres)
 17. & dixit eis Iesus: Venite post me,
 & faciam vos fieri piscatores hominum.
 18. Et protinùs relictis retibus, secuti
 sunt eum.
 19. Et progressus inde pusillum, vidit
 Iacobum Zebedæi, & Ioannem fratrem
 eius, & ipsos componentes retia in navi:
 20. & statim vocavit illos. Et relicto
 patre suo Zebedæo in navi cum mercenari-
 is, secuti sunt eum.
 * *Matth. 4.* 21. * Et ingrediuntur Capharnaum: &
 13. statim sabbatis ingressus in synagogam,
Luc. 4. 31. docebat eos.
 * *Matth. 7.* 22. * Et stupèbant super doctrina eius:
 28. erat enim docens eos, quasi potestatem
Luc. 4. 32. habens, & non sicut Scribæ.
 * *Luc. 4.* 23. * Et erat in synagoga eorum homo
 33. in spiritu immundo: & exclamavit,
 24. dicens: Quid nobis, & tibi Iesu Na-
 zarène: venisti perdere nos? scio qui sis,
 Sanctus Dei.
 25. Et comminatus est ei Iesus, dicens:
 Obmutescè, & exi de homine.
 26. Et discerpens eum spiritus immun-
 dus, & exclamans voce magna exiit ab eo.
 27. Et mirati sunt omnes, ita ut con-
 quirerent inter se dicentes: Quidnam est
 hoc? quanam doctrina hæc nova? quia
 in potestate etiam spiritibus immundis
 imperat, & obediunt ei.
 28. Et processit rumor eius statim in
 omnem regionem Galilææ.
 * *Matth. 8.* 14. * Et protinùs egredientes de syna-
Luc. 4. 38. goga, venerunt in domum Simõnis, &
 30. Decumbèbat autem focrus Simõnis
 febricitans: & statim dicunt ei de illa.
 31. Et accedens elevavit eam, apprehen-
 sâ manu eius: & continuò dimisit eam
 febris, & ministrabat eis.

32. Vespere autem facto cum occidisset
 sol, afferèbant ad eum omnes malè ha-
 bentes, & dæmonia habentes:
 33. & erat omnis civitas congregata ad
 ianuam.
 34. Et curavit multos, qui vexabantur
 variis languoribus, * & dæmonia multa * *Luc. 4.*
 ejiciebat, & non sinèbat ea loqui, quò-
 41. niàm scièbant eum.
 35. Et diluculo valde surgens, egressus
 abiit in desertum locum, ibique orabat.
 36. Et profecutus est eum Simon, & qui
 cum illo erant.
 37. Et cum invenissent eum, dixerunt
 ei: Quia omnes querunt te.
 38. Et ait illis: Eamus in proximos vi-
 cos, & civitates, ut & ibi prædicem: ad
 hoc enim veni.
 39. Et erat prædicans in synagogis eò-
 rum, & in omni Galilæa, & dæmonia
 ejiciens.
 40. * Et venit ad eum leprosus depre-
 * *Matth. 8.*
 cans eum: & genu flexo dixit ei: Si vis,
 12. potes me mundare.
 41. Iesus autem misertus eius, extendit
 manum suam: & tangens eum, ait illi:
 Volo: Mundare.
 42. Et cum dixisset, statim discessit ab
 eo lepra, & mundatus est.
 43. Et comminatus est ei, statimque
 eiècit illum:
 44. & dicit ei: Vide némini dixeris:
 sed vade, ostènde te principi sacerdotum,
 & offer pro emundatione tua, * quæ præ-
 * *Lev. 14.*
 cepit Moyses in testimonium illis.
 45. At ille egressus cepit prædicare, &
 diffamare sermonem, ita ut iam non
 posset manifestè introire in civitatem, sed
 foris in desertis locis esset, & conveni-
 ebant ad eum undiquè.

CAPUT II.

*Christus sanat paralyticum, cuius primum
 peccata dimittit. Matthæum sedentem
 in telonio vocat. Murmur Pharisæorum.
 Spicæ velluntur à discipulis.*

1. **E**T iterum intravit Capharnaum
 post dies,
 2. & auditum est quod in domo esset,
 & convenerunt multi, ita ut non cæperet
 neque ad ianuam, & loquebatur eis ver-
 bum.
 3. * Et venerunt ad eum ferentes para-
 * *Luc. 5.*
 lyticum, qui à quatuor portabatur.
 4. Et cum non possent offerre eum illi
 præ

præ turba, nudaverunt tectum ubi erat:
 & patefacientes submiserunt grabatum, in
 quo paralyticus iacebat.
 5. Cum autem vidisset Iesus fidem illò-
 rum, ait paralytico: Fili, dimittuntur
 tibi peccata tua.
 6. Erant autem illic quidam de Scribis
 fedentes, & cogitantes in cordibus suis:
 7. Quid hic sic loquitur? blasphemat.
 * *Iob 14.* 4. * Quis potest dimittere peccata, nisi solus
 43. Deus?
 8. Quo statim cognito Iesus spiritu suo
 quia sic cogitarent intrà se, dicit illis:
 Quid ista cogitatis in cordibus vestris?
 9. Quid est facilius dicere paralytico:
 Dimittuntur tibi peccata: an dicere: Sur-
 ge, tolle grabatum tuum, & ambula?
 10. Ut autem sciatis quia Filius hominis
 habet potestatem in terra dimittendi pec-
 cata, (ait paralytico)
 11. tibi dico: Surge, tolle grabatum tuum,
 & vade in domum tuam.
 12. Et statim surrexit ille: &, sublato
 grabato, abiit coram omnibus, ita ut mi-
 rarèntur omnes, & honorificarent Deum,
 dicentes: Quia numquam sic vidimus.
 13. Et egressus est rursus ad mare: om-
 nisque turba veniebat ad eum, & doce-
 bat eos.
 * *Matth. 9.* 14. * Et cum præteriret, vidit Levi
 9. Alphæi sedentem ad telonium, & ait illi:
 27. Sequere me. Et surgens secutus est eum.
 15. Et factum est, cum accumberet in
 domo illius, multi publicani, & peccato-
 res simul discumbèbant cum Iesu, & dis-
 cipulis eius: erant enim multi, qui & se-
 quebantur eum.
 16. Et Scribæ, & Pharisæi videntes
 quia manducaret cum publicanis, & pec-
 catoribus, dicebant discipulis eius: Quare
 cum publicanis, & peccatoribus mandu-
 cat & bibit Magister vester?
 * *1. Tim. 1.* 17. * Hoc audito Iesus ait illis: Non
 15. necesse habent sani medico, sed qui malè
Matth. 9. 13. habent: non enim veni vocare iustos, sed
 32. peccatores.
 18. Et erant discipuli Ioannis, & Pha-
 risæi ieiunantes: & veniunt, & dicunt
 illi: Quare discipuli Ioannis, & Phari-
 sæorum ieiunant, tui autem discipuli non
 ieiunant?
 19. Et ait illis Iesus: Numquid possunt
 filii nuptiarum, quamdiù sponsus cum
 illis est, ieiunare? Quanto tempore habent
 secum sponsum, non possunt ieiunare.
 * *Matth. 9.* 15. * Venient autem dies cum auferetur
 35. præ

ab eis sponsus: & tunc ieiunabunt in illis
 diebus.
 21. Nemo assumentum panni rudis af-
 fuit vestimento veteri: alioquin aufert
 supplementum novum à veteri, & maior
 scissura fit.
 22. Et nemo mittit vinum novum in
 utres veteres: alioquin dirumpet vinum
 utres, & vinum effundetur, & utres
 peribunt: sed vinum novum in utres no-
 vos mitti debet.
 23. * Et factum est iterum cum Dò-
 * *Matth.*
 minus sabbatis ambularet per sata, & dis-
 12. 1. cipuli eius cæperunt progredi, & vellere
Luc. 6. 1. spicas.
 24. Pharisæi autem dicebant ei: Ecce,
 quid faciunt sabbatis quod non licet?
 25. Et ait illis: * Numquam legis-
 * *1. Reg.*
 quid fecerit David, quando necessitatem
 21. 6. habuit, & esuriit ipse, & qui cum eo
 erant?
 26. Quomodo introiit in domum Dei
 sub Abiathar principe sacerdotum, & pa-
 nes propositionis manducavit, quos non
 licebat manducare, * nisi sacerdotibus,
 * *Lev. 24.*
 & dedit eis, qui cum eo erant?
 9. 27. Et dicebat eis: Sabbatum propter
 hominem factum est, & non homo prop-
 ter sabbatum.
 28. Itaque Dominus est filius hominis,
 etiàm sabbati.

CAPUT III.

*Christus in Synagoga sanat manum hominis
 aridam. Sequitur Apostolorum electio.
 Pharisæorum blasphemiam refellit. Ma-
 ter & fratres eum querunt.*

1. **E**T introiit iterum in synagogam:
 & erat ibi homo habens ma-
 num aridam.
 2. Et observabant eum, si sabbatis cur-
 raret, ut accusarent illum.
 3. Et ait homini habenti manum ari-
 dam: Surge in medium.
 4. Et dicit eis: Licet sabbatis benefa-
 cere, an malè? animam salvam facere,
 an perdere? At illi tacèbant.
 5. Et circumspiciens eos cum ira, con-
 tristatus super cæcitate cordis eorum, di-
 cit homini: Extende manum tuam. Et
 extendit, & restituta est manus illi.
 6. * Exeuntes autem Pharisæi, statim
 * *Matth.*
 cum Herodiànìs consilium facièbant ad-
 12. 14. versus eum quomodo eum perderent.
 7. Iesus autem cum discipulis suis secèssit
 ad